


مکتبہ عربیہ اسلامیہ

۱۸ نجی سنہ

غرمہ شعبان ۱۳۱۵

جزو، عدد : ۷۵





پارسدن لوندره يه - و - اوتل مترق بول

(مابعد عن جزؤ ۷۳)

بروکار سالونندن چيقدن صکره براز دها قازينوده توقف ايتک ايستمدم ايسهده رفيقمي پک زياده اويقو باصديرمش اولديغندن خوابگاهمزه چيقمغه مجبور اولدم .

زمين قاتنه چيقدنغز صرهد سوراق قبوسندن ايجرويه حرار قدر بر طوربه يولکش گنج بر آدم کيرهک ايجندن چيقارديني بيوک باکتی مقصوره مأمورينه توديع ايلدی . بۇ پاکت غران بریتانیا داخلنده کی تیمور يوللرله سوق وایصال اولنان مکاتبی حاوی نصف اللیل پوستهسی ایدی . سوادک هیچ بر یرنده بویه نصف اللیلده مکتوب ایصال وتوزیعی کورلمش ایشیدلمش حاللردن اولدیغندن یالکیز بزلره دکل ، سائر اورق پالیلره بيله بۇ حالک غریب کورینه جگندن امینم .

خوابگاهمزه قبوسنی آچار آچاز اوته بردن بره نورلره غرق اولدی . چونکه قبو ايله ایلقتریق طاقی آره سنده کی اختلاط ، مسافری موم یاقق کلفتندن ده آزاده بولندیر یور .

مدت غیبو بمزده یتاقلرمزک اورتیلری قالدیریلره رق تمیز طاقلر یایشش . یول چانطه لر مزدن کجه لک کوملکلر مز چیقاریلوب یتاقلرمزک اوزرینه سریشش . فورجه ، طراق کبی لوازم ، مشاطه مخصوص آینه لرک اؤکنه قونمش . حاصلی ترلکلر مزه قدر هر شی یرلی یرینه اقامه اولمش ایدی . بزم ايجون صؤینوب یاتمقدن بشقه کوريله جک برایش یوق . انسان کندی اوینده دخی اؤلسه خدماتک

بؤ درجده موافق اعتیاد اوله رق ایفا اولنه جغه احتمال ویره مر . بناء علیه ایمری .
یوزمری بیقادقدن صکره جابخواب استراحت آتدق . و صفای بال ایله بلاعارضه
آلی ساعت اوئودق .

لوندره نصف الیلدن صکره حقیقه کران خواب سکونده در . یارس گبی عربیه
کورلتیلرله انسان هج بروقت بحضور اولمز . صباحک بشینه قدر سوقاقلرده
بولیس افرادندن بشقه ذی روح یوق کبیدر . هله ساعت برده شهرک کاقه اذقه سی
صالیوریلان صولرله برآنده تطهیر اولور . ذاتاً تخته دوشمامش سوقاق ،
چمتوسز میدان یوقدر .

صبح توالتمزی اجدان صکره قهوه آلی ایچون اوتلک لوقانطه سنه گتمکه
قرار ویردک . رفیقم تکلفات تشریفاتیه دن طبعاً متجانب اولمسیله رفاقت اتمک
ایستمدی ایهده صباح قهوه آلیلری هر درلو مراسمدن آزاده و خصوصاً آلا قارت ییلان
صالونده هر شخص ایستدیگی قیافتله بولمقده مختار اولدیغنی افاده ایله برابر گتدک .
بؤ صالون دخی زینت و لطافتجه تابل دوت صالونیه همعیار اوله رق دیگرندن
بر فرقی وارسه اورتیه سنده ستونلری بولمیشی در . بز ایجری کیردیگمز زمان همان
مدور سفره لک اکثریسی مستولی بولدق . اوگمه دوشن بر غارسون بزیده
سفره لردن برینه اقامه ایتدی .

انگلزلر صباح قهوه آلیسنده هج بر ملته بکزه مر ؛ عادتاً بر (اوگون) یامک
قدر اکل و شربده بولورلر .

بزه سفره ارايه ایدن غارسون یالکیز قهوه می ، چایمی ؟ دیه صوردی . رفیقم
جای و بن قهوه دیدک . ایکی دقیقه صکره ده بر جوق شیلرله طولمش ایکی گومش
تبی گتوردی :

بیوک بر گومش ابریق طولیسی قهوه . گنیش آغزلی دیگر بر ابریقله ده
قاینادلمش و اوچ دوت یارمق ارتقاغنده کوپوک باغلامش سؤد . بر طباقده هنوز
یاییقدن چیقمش ترمیاغی . آلی دیلم غایت پنبه قزاردلمش اتمک . صغوماق ایچون
آرو آرو بختلره صارلمش اوچ رافه دان مورطه ، غایت اینجه دیلمش بر طباق صغوق

روزبیف، صراحیسی ایچنده طوندیرلمش صو. برقدح. برطوژلق. برشیشه (ویسقی) ایله برشیشهده (صودا و تر). ایشته صباح قهوه سی. دها طوغریسی صباح ییگی. صباحلری آجی قهودن بشقه برشی ایچمک معنادی اولمیان بر آدمه بوقدر ماکولات، یمک یمک دکل، عادتاً طباق چمکه برابر اولقی لازم گاور.

حال بوکه اقلیم ایله گورنک و باخصوص احضار ایدیلان شیلرده کی نفاست ایله موقع و اوانیده کی ظرافت و نظافت تحویل اعتیاد و طبیعتده پک بیوک تأثیر گوستر. مکده در. بونی غریبه ایتدیگم سیاحتلرده دفعاتله تجربه ایتدم. میقات معینده بربرده طویلانمش قرق اللی کشینک ایچنده بولندی، انسان آنلره هم حال اولمده غیرارادی برسانقه تابع اولبور. آجی قهودن بشقه برشی ایچمزکن سودلی قهوه ایچبور. اوکله دن اول آغزینیه برلقمه امک قویمزکن ایکی اوچ دیلم امکله بر طباق یاغ بیور. هم بونی فوق العاده براشتا ایله بیور. غارسون امرایتدیگنر قهوه نی ایصالده براز تاخر ایتسه عادتاً شکم پرورانه مخصوص اولان حرص و انهاما که مغلوب اولبور. چونکه اطراف کزده کیلر اشتا آور برتهلک ایله دؤداقلرینی شاپرداتهرق متصل بیوب ایچبور. هله ماکول و مشروب اولسون، مستحضراتک نفاستی برقاتدها دعوت اشتا ایدیور.

انگیزلر علی العموم صباحلین برقدحک درنده برینه (ویسقی) قویوبده صودا صویبله قارشیدروب ایچمینجه آغزلرینه برشی قویمزلر. بؤکا ایسه اصطلاحلارنده (افتتاح طعام) دینور.

ویسقی یؤلاف اسپرطوسندن اعمال اولنور. هر ایچکینک ساخته سی، تقلیدی. مخلوطی اولدینی حالده ویسقی بؤکی شانبه لردن آزاده در. چونکه هیچ برشیه ویسقی بیایله مز.

مع مافیه کافه کئولات کبی بونکده اعلاسی، ادناسی واردر، یعنی صورت. استحضارایله ماده اصلیه سنک نفاستی و برده اسکیمک ایله ییکیمک، نوعلرینی خلیجه تکثیر ایتمشدر. باخصوص اسقوچیانک (بیاض بارگیر) مارقه سنی حاوی اولانی، ویسقینک علی الاعلاسی عد اولنور.

صبح قهوه سینه طویلانان نسوانك قیاقچه اولان حاللری ده شایان تماشا ایدی .
 اکثریسی ایپکلی بیاض قاشدن برر صباح کسوه سینه بورغمشدی . بؤ لباسلرک
 بلدن یوقاری طرفلری، ایچنده کی کوملگك رنگنی کوستره جك صورتده منقش
 دانته لالریله ترین ایدلمش و دیرسکلرده نهایت بولان قیسه قوللرک ینگلرینه و یقالردن
 اوموز باشلرینه قدر قات قات ینه ایچه برونجکلرله کونا کون صایوانلر دیکلمش و بؤ
 طرز تزیینله هر بری قلاده لی برر اسقوجیا کوکر جینه بگزده مش ایدی . هله لسانلرنده کی
 شیوه شیرین و لطیف عینیه زمزمه طیور کبی گوش جانی تشنیف ایلوردی .
 حاصلی موقعك احتشام و زینته . حضارک نظر ربای دل و جان اولان ملاحظت -
 و قیافتی بر قات دهها لطافت بخش اولمقله انسان پریرلر آردسینه قارشمش کبی و اهمه لره
 دوشیور و بیوب ایچدیگی شیلری ، اوشیلره مخصوص اولان طعم و لذتک فوقنده
 بر حظ و اشتها ایله بیوب ایچیور .

وقتیه بشقه بر یرده دخی سوبلشدم : معده خسته لقلرینه مداواتده اختصاصی
 اولان نه قدر اطبا ایله گورشمسه بگا برنجی توصیه لری اثنای طعماده هیچ بر شی
 دوشنامک . اعصابی متأثر ایده جك تفکر اتده بولنماق ، حدت ایتماک ، انشراح
 و یره جك شیلری تخطر ایتمک ، از جمله لطیف لطیف خولیا لرده بولنق ، حاصلی یینی
 یورماق کبی خصوصات ایدی که ، بؤ سایه ده معدنه ك فعل هضمی بلا عارضه سهولتله
 ایفا ایده جگنی تأمین ایدی .

ایشته انسان بویه یرلرده طعام ایده جك اولورسه ذهن و فکری آتاعاب و یا حدت
 و تأثری ایجاب ایده جك حالات شویه طور سون حتی وسعت خیالک قاصر قاله جنی
 بر طاقم نفائی وجود بولمش گوربدن تخیلاته دخی میلان بوله میه جق بر حالت
 بهت آورده مستغرق اوله جفته شبهه ایدلاملی در .

(مابعدی نسخه تالیفه ده)

ابوالضیا توفیق

